



გორის მუნიციპალიტეტის საკრებულოს

განკარგულება №3

2025 წლის 13 იანვარი

ქ. გორი

გორის მუნიციპალიტეტის გენდერული თანასწორობის საბჭოს 2024 წლის
ანგარიშის შეფასების შესახებ

„გორის მუნიციპალიტეტის გენდერული თანასწორობის საბჭოს დებულების დამტკიცების შესახებ“ გორის მუნიციპალიტეტის საკრებულოს 2018 წლის 12 იანვრის #1 დადგენილების მე-2 მუხლის, მე-2 პუნქტის „ა“ ქვეპუნქტის შესაბამისად გორის მუნიციპალიტეტის გენდერული თანასწორობის საბჭო წელიწადში ერთხელ საკრებულოს წარუდგენს ანგარიშს მუნიციპალიტეტში გენდერული თანასწორობის მდგომარეობის შესახებ. აღნიშნულის საფუძველზე საჭიროა შეფასდეს მუნიციპალიტეტის გენდერული თანასწორობის საბჭოს 2024 წლის ანგარიში.

საქართველოს ორგანული კანონის „ადგილობრივი თვითმმართველობის კოდექსის“ 61-ე მუხლის 1-ლი და მე-2 პუნქტის შესაბამისად:

1. დადებითად შეფასდეს გორის მუნიციპალიტეტის გენდერული თანასწორობის საბჭოს 2023 წლის ანგარიში თანდართული დანართების შესაბამისად. (დანართი 3 ფურცლად)
2. განკარგულება ძალაში შევიდეს ხელმოწერისთანავე.
3. განკარგულების გასაჩივრება შესაძლებელია დაინტერესებული პირის მიერ მისი გაცნობის დღიდან ერთი თვის განმავლობაში სარჩელის წარდგენის გზით გორის რაიონულ სასამართლოში (მისამართი ქ. გორი, სერგო ჯორბენაძის ქ. №30)

საკრებულოს თავმჯდომარე



დავით რაზმაძე

გორის მუნიციპალიტეტის
გენდერული თანასწორობის საბჭოს 2024 წლის
ანგარიში

გორის მუნიციპალიტეტის გენდერული თანასწორობის საბჭო არის საკრებულოს სათათბირო-საკონსულტაციო ორგანო, რომელიც განიხილავს მუნიციპალიტეტში გენდერული თანასწორობის დაცვის მდგომარეობას, შეიმუშავებს წინადადებებს ადგილებზე დისკრიმინაციის გამოვლენისა და აღმოფხვრის უზრუნველსაყოფად შესაბამისი ღონისძიებების შემუშავებისა და განხორციელების კოორდინაციის მიზნით. საბჭო თავის საქმიანობაში ხელმძღვანელობს საქართველოს კონსტიტუციით, „გენდერული თანასწორობის შესახებ“ საქართველოს კანონით, საკრებულოს რეგლამენტით, სხვა ნორმატიული აქტებითა და ამ დებულებით. გორის მუნიციპალიტეტის გენდერული თანასწორობის საბჭო შედგება საკრებულოს თავმჯდომარის, საკრებულოს წევრების, საკრებულოს აპარატის, მერიის თანამშრომლებისა და არასამთავრობო ორგანიზაციის წარმომადგენლებისგან. დღეის მდგომარეობით, საბჭოში სულ 22 წევრია: 12 ქალი, 10 მამაკაცი.

გორის მუნიციპალიტეტის გენდერული თანასწორობის საბჭოს შემუშავებული აქვს 3 წლიანი (2022-2024) სამუშაო გეგმა, სადაც აქცენტი გაკეთებულია 6 მიმართულებაზე. ეს მიმართულებებია:

1. ქალთა მონაწილეობა გადაწყვეტილების მიღების პროცესში;
 2. ქალთა მიმართ ძალადობა და ოჯახში ძალადობა;
 3. ქალთა ეკონომიკური გაძლიერება;
 4. ქალები, მშვიდობა და უსაფრთხოება;
 5. თანამშრომლობა და კოორდინაცია;
 6. გენდერული თანასწორობის გეგმის მონიტორინგი და ანგარიშგება.
1. ქალთა მონაწილეობა გადაწყვეტილების მიღების პროცესში:

გეგმის ამ ნაწილში:

გორის მუნიციპალიტეტის გენდერული თანასწორობის სამწლიანი სამოქმედო გეგმა დამტკიცებულია;

საკარიერო განვითარების კურსებზე მონაწილე ქალთა პროცენტული რაოდენობა კაცებთან თანაფარდობით გაზრდილია. მოთხოვლია მოდულპაკეტის შეძენა გენდერული თანასწორობის და ქალთა მიმართ და ოჯახში ძალადობის თემებზე მუნიციპალიტეტის თანამშრომელთა და საბავშვო ბაღის აღმზრდელთა

გადასამზადებლად. გადამზადებულია 10 თანამშრომელი (9 მერიის და 1 საკრებულოს თანამშრომელი).

განხორციელდა მუნიციპალიტეტში დასაქმებული პერსონალის სქესის ნიშნით სეგრეგირებული მონაცემების წარმოება (იხილეთ დანართი 1); ასევე, "გორის მუნიციპალიტეტის 2024 წლის ადგილობრივი ბიუჯეტიდან სოციალური დახმარების გაცემის წესის დამტკიცების შესახებ" გორის მუნიციპალიტეტის საკრებულოს 2023 წლის 8 დეკემბრის #45 დადგენილებით დამტკიცებული წესით მოსარგებლე ბენეფიციარების სეგრეგირებული მონაცემების წარმოება (იხილეთ დანართი 2) და განათლების, კულტურის, სპორტისა და ახალგაზრდულ საქმეთა სამსახურში შემავალი ბენეფიციარების სეგრეგირებული მონაცემების წარმოება (დანართი 3).

მუნიციპალიტეტის მიერ სოფლის მხარდაჭერის პროგრამის ფარგლებში განხორციელებლ შეხვედრებს ესწრებოდნენ გენდერული საბჭოს წევრები, რომლებიც მოსახლეობას აწვდიდნენ ინფორმაციის საბჭოს არსებობის და საქმიანობის შესახებ.

საბჭოს მიერ ჩატარდა 2025 წლის ბიუჯეტის პროექტის საჯარო განხილვა. ღონისძიება ჩატარდა ქალთა მიმართ და ოჯახში ძალადობის წინააღმდეგ 16 დღიანი კამპანიის ფარგლებში და მიზნად ისახავდა ქალთა ჩართულობის გაზრდას თვითმმართველობის პროცესებში. საჯარო განხილვას ესწრებოდა 35 მოქალაქე გორის მუნიციპალიტეტის სხვადასხვა ადმინისტრაციული ერთეულებიდან, აქედან 31 იყო ქალი, 2 შშმ პირი. შეხვედრას ესწრებოდნენ აგრეთვე მედიის წარმომადგენლები და სხვადასხვა არასამთავრობო ორგანიზაციის წევრებიც. 2025 წლის ადგილობრივი ბიუჯეტის პრეზენტაცია გააკეთა გორის მუნიციპალიტეტის მერიის საფინანსო-საბიუჯეტო სამსახურის უფროსმა. ბიუჯეტის პროექტის საჯარო განხილვა კითხვა-პასუხის რეჟიმში წარიმართა და ქალებს მიეცათ საშუალება თვითონ ესაუბრათ საკუთარ პრობლემებზე;

ქალთა ჩართულობის გაზრდის მიზნით თვითმმართველობის პროცესებში და მათი გაატიურებისთვის დაბეჭდილია და მოსახლეობაში დასარიგებლად გამზადებული 2025 წლის კალენდრები, სადაც განსხვავებული მეღნიტით აღნიშნულია საკრებულოს, გენდერული თანასწორობის საბჭოს, ბიუროს, კომისიის სხდომები, „საკრებულო ახალგაზრდებისთვის“ - ახალგაზრდებისთვის დათმობილი დღეები და ინფორმაცია, რომელიც გაუღვივებს მათ სხდომებზე დასწრების და თვითმმართველობის პროცესებში ჩართვის სურვილს.

2. ქალთა მიმართ ძალადობა და ოჯახში ძალადობა:

გეგმის ამ ნაწილში:

საინფორმაციო გასვლითი შეხვედრა სოფ. ატენში.

3. ქალთა ეკონომიკური გაძლიერება.

შეხვედრა მეწარმე ქალებთან/საქმიანობის პროცესში გამოვლენილი პრობლემების გაცნობის მიზნით.

4. ქალები, მშვიდობა და უსაფრთხოება.

საანგარიშო პერიოდში ქალების, მშვიდობისა და უსაფრთხოების მიმართულებით:

გორში მუნიციპალიტეტში მცხოვრებ სხვადასხვა ფენების ქალებისათვის ჩატარდა ტრენინგი ადამიანის უფლებებზე, ქალთა უფლებებზე და მოქალაქის უსაფრთხოების თემაზე. ასევე გაიმართა საგანმანათლებლო და ფსიქოლოგიური მხარდაჭერის სემინარები.

ქალთა მიმართ და ოჯახში ძალადობის წინააღმდეგ 16 დღიანი კამპანიის ფარგლებში საინფორმაციო გასვლითი ხასიათის შეხვედრა განხორცილდა გამყოფი ხაზის მიმდებარე სოფლებში: გუგუტიაანთკარში. ზარდიაანთკარში და კოშკებში მცხოვრებ ქალებთან.

5. თანამშრომლობა და კოორდინაცია

ღია გაკვეთილი სსიპ ქ.გორის პირველ საჯარო სკოლის მოსწავლეებთან.

6. გენდერული თანასწორობის მუნიციპალური სამოქმედო გეგმის შემუშავების, განხორციელებისა და მონიტორინგის მონაწილობითი პროცესის მხარდაჭერა და საჯარო ანგარიშგება

ანგარიში საკრებულოში წარსადგენის შემდგომ გაეგზავნება საქართველოს პარლამენტის გენდერული თანასწორობის საბჭოსა და საქართველოს მთავრობის ადამიანის უფლებათა დაცვის საკოორდინაციო უწყებათშორის საბჭოს.

ანგარიში ხელმისაწვდომი იქნება, განთავსდება გორის მუნიციპალიტეტის საკრებულოს ვებ. გვერდზე.